

疹論

夫疹與痘異。痘出五臟而疹則出於六腑。腑屬陽。陽主氣。故疹有形而無漿。其症多實熱而無寒。為症既異。治法亦殊。疹有實熱之症。令兒戰慄似寒。不可作寒看。乃火象也。熱極生陰。反作寒耳。初熱時只宜發表。再以補陰治陽可也。蓋疹熱甚則陰分受其熬煎而血多虛耗。故治以清火滋陽為主。不可少動其氣。若燥悍之劑。首尾當忌。世惟知兒痘所係之重。而不知疹之所係亦不輕。余平日治疹初見發熱多似傷寒。然兒咳嗽噴嚏鼻

流清涕。眼角生膜。眼胞兩臉浮腫。其淚汪汪。惡心乾嘔。恒欲飲水。則實與傷寒迥異。宜謹風寒。忌葷腥。此其大節。一日三次出為易。二日再出六次為吉。使發出不快。急用藥表之。使皮膚通暢。腠理開豁。自無留毒。看疹之法。多於耳後項上腰腿。先見頂尖而不長。隨出隨收。其形小而勻淨者。吉也。若色見紅者。兼火化也。其症可治。宜化斑湯主之。或人參白虎湯亦可。如以手伏之。其色則白。而手起即紅者。此血不足也。宜養榮湯主之。如紫赤乾燥。灰暗火盛。毒熾大渴。飲水不止。宜六一散解之。

或黃連麥冬湯亦可。大熱不退。加柴胡黃芩升麻乾葛。
牛蒡元參。熱甚譫語昏昧不省人事。宜用黃連解毒湯。
兒如發渴。勿禁飲水。但不宜多。雖出自寒天。亦不當重。
加衣服被褥等件。恐熱毒入咽喉。令兒聲啞。而疹不得。
出。為害不淺。疹有吐瀉。宜用四苓散。加牛蒡訶子。或疹。
湧而身尤大熱。升麻白虎湯內加元參。至九日收畢。聲。
啞無音。涼水調兒茶對入。研砂服之。即愈。疹後有痢者。
皆因積膩所傷。必先利其毒。而後補。須用大黃與黃連。
枳殼檳榔以疏利之。勿食甘甜。以免牙疳。如有此症。紅。

束去核入一米粒雄黃燒過為末米泔漱口。少入鹽湯可愈。隱疹不出。升麻湯內加麻黃即出。數日不出。飲水須以清胃養脾解毒為主。毒退自然飲食如常。疹毒未盡不可當風。恐防病目。且見風太早。一腫即消。必定體瘦肌黃。勿食椒麵熱物。以致胃火烟觸口舌生瘡。令兒啼哭。如有此瘡。尿盆白垢。燒過少許擦之可愈。治疹無他奇法。惟清涼解毒為第一義。疹出三七以及百日皆不可忽。語曰。痘前難。疹後不易。信哉。

蓋痘疹

此疹痘將收畢。數日之後。身稍熱一二日。遍身即出紅
癍。作痒。愈爬愈盛。先出大小不一。如粟米之狀。漸漸長
大。如雲成片。此是收痧大愈之後。放心縱欲飲食。過傷
又兼風熱而成也。又曰。雲頭疹。名為蓋痘疹。勿以為真
疹而畏之。果有積食之症。宜服三化湯。再加防風黃連
消食而除風熱。以免瀉痢之患。

胎疹

此症兒初生未及滿月時。週身發出紅點。如粟米之類。
其形似疹。富貴之家。初得一兒。保護之心。慙一聞此症。

請醫視之。誤以為疹症。或令乳母服藥。或令兒服金石丹砂。不知兒腸胃未全。清如露水珠。安敢用藥。乳母產後。安敢服發表清涼之劑。若聽俗醫。是陷人於不救之地也。須知此症。乃兒在胎胞之內。乳母胎熱。兒為陰血之氣薰蒸已久。生下忽遇陽風一逼。遂發出此瘡。蓋爛脓瘡也。書故以脓疹名。不治自愈。

痲疹

此症天行疫病。小兒大便鞭結。熱毒流入胃中。故發斑。可與疹同治。切不宜發散。妄下。若身熱作渴時。白虎湯。

加大清元參一劑而愈。疹有顆有形。斑隱於皮膚。無跡而且平。此分辨之法也。悞下悞汗。奇禍生焉。

胎疹

昔有婦人妊娠三五月。忽然發熱出疹。一日三次。有形有色。真疹症也。先要保胎。為主用黃芩白朮加四物湯服之。如出不快者。可服白虎湯合升麻。倍加元參牛蒡子為奇。設若熱甚。胎氣不安。服保胎藥數劑又不愈。腹疼腰酸。即知胎有必墜之機。即以產後法論。先用大補。次用他症藥。兒胎雖動。疹婦可生。若婦胎落。萬無生理。

何也。疹宜裏空。熱病隨胎而下矣。痘宜裏實。胎一下而氣與血虛。而又虛矣。何可得生。

騷疹

凡小兒痘未出之先。時行疫病。乳母為瘟氣所染。兒食病乳。亦感熱病。或週身發出紅點。或曰疹子。又曰痲子。二者皆非也。是乳母中熱毒入兒肌膚之間。然毒氣不出自臟腑。何畏之有。故名曰騷疹。謂之病母。子亦病也。善治者。先治其母之病。兒自愈矣。遠避其母。擇人之乳乳之。可保無虞。

痢疹

兒疹後未及半月。父母溺愛不明。隨其所欲而與之食。無論油膩酸醎苦辣之物。一切不忌。令疹兒後作痢。且久不已。遂成休息痢。此餘毒在大腸也。切不可求救之速。妄投澀藥。一澀而止。則內毒上攻。令兒嘔吐不食。為噤口不語。一三日毒攻大腸。更滑腸不止。或下鮮血。或下如塵水豆汁之狀。皆危症也。早服三黃湯。加枳榔枳壳同煎。調天水散之可生。蓋先清利而後補。此治痢之良法也。

薰疹

凡疹出二三日間發渴咳嗽不出。即知疹毒在肺與胃也。想未服清肺發表之劑。致令疹後聲啞無音。日久不愈。蓋由肺火薰蒸於胃。胃火薰蒸於會厭穴耳。書曰金清則鳴。金實則啞。會厭穴生於咽喉之中。如笙之有篴也。笙惟有篴。故音自嘹亮。閉之則無音。今肺已先受火制矣。時且不暇清肺制火。先用兒茶散急以涼水調服數次。庶火可退而聲音即出。猶治笙者。先理其篴也。再服清金降火湯自愈。凡疹前疹後咳嗽者。係疹毒不可

輕視。若久嗽。頓成疹。後風。或令咽喉出血。宜服麥冬清肺飲。不然疹咳傷及肺胃。胸前高如龜背。腹脹喘滿。唇面弄色。俄而清白。俄而赤紫。枯黯鼻口出血。此不治之症也。余於此症。驗有數兒。俱得兒茶散之力。同志者玩之。

餘疹

此症疹收之後數日。猶有餘毒未盡。兒復發熱。日夜不退。重出一番。比前畧少。且餘毒熱甚。每夜煩躁。譫語狂亂。失血且多。驚搐夜屬陰。陰者血也。想疹前大熱。心火

不無耗散。故小兒氣屬血。實者易治。虛者難治。凡遇此症。先治失血。急用犀角地黄湯。解湯一劑。再用四物湯。少加遠志肉三分。甘草二分。服一劑而血止。若譫語狂亂驚搐。再煎五苓散。調辰硃益元散一錢服之。諸症自無也。大抵疹前尚易。疹後最難。譬如婦人產後。一切當忌。勿食雞魚。勿食油膩猪肉。庶免後艱。

影疹

此症發熱二三日。表後紅標隱隱於肌膚之裏。如物影之搖動。時有時無。是發表熱毒正出之際。偶遇大風大

寒生冷之物犯之。故皮膚閉塞。毒氣壅滯。遂片片皆紅。紅或變白。白變紅。紅變紫。毒氣攻入於內。令兒喘滿。腹痛。諸症作矣。欲出不出。存亡立至。急用升麻化癍湯。或活血散服之。其疹不日即出。如小便不通。熱甚者。四苓散加梔子木通。大熱不退而作渴者。人參百虎湯主之。

血疹

經云。汗者血之本。血者人之源。小兒盜汗。自汗。不須疑疹。症得汗為奇。初熱時未曾用藥。發表多汗。汗由熱氣內蒸。腠理開泄。遍身汗出如水。此毒盡從汗出。吉兆也。

不必再用表藥。勿信俗醫以止汗為急。又有疹發熱時。鼻中血出者。此毒從鼻血解也。俱不可止。乃血出太多也者。此是火毒盛。逼迫太過。致液妄流。血妄行矣。汗不止。用五倍子為末。漚津調三錢。一餅敷臍上。其汗即止。血太多。服當歸六黃湯即愈。疹症熱毒失表散不得出。內攻眼角。及耳中血出不止。大便血出不止者。危。因熱毒未出。內攻五臟。五臟腐傷。以致血出。是二三日間失於發表散之過也。若將當歸六黃湯與升麻湯並用。十十可救二三。

渴疹

疹與傷寒同一熱病也。二者未有不作渴之理。傷寒發渴。得水而生。疹症發渴。亦可飲水。凡疹渴時。即以烏梅一兩。熬水二鍾。入井中汲涼。每用一盞。對涼水一盞。與兒徐徐服之。或用人參白虎湯。其渴自止。若飲水過多。恐生水畜之病。蓋熱極而渴者。心也。水既入心。傳於脾。為嘔吐瀉痢。傳於肺。為喘。為嗽。傳於胃。為小便不利。為陰囊浮腫。傳於肝。為脇疼筋軟膨脹。肺傷水。用清肺飲。加白朮末少許。脾傷水。五苓散主之。肝與胃傷水。亦用

五苓散內加木通車前子以洩膀胱之水則肝胃之水自除矣。

壞疹

此症是疹後餘毒未盡。身上遊熱不退。只以疹愈為吉。不知浮火為害。積熱於皮膚。又未服解毒清涼之劑。以致毒火入胃。久而不散。即為牙根潰爛。肉腐出血。臭氣冲人。急用清胃飲。涼膈散。擦獨聖丹。馬鳴散。以退胃火。可無大患。若縱兒意多食甘甜之物。濕熱動虫。為走馬牙疳。穿腮落牙。或面頰浮腫。環口清黑。唇崩鼻壞者。不

治。或唇口多瘡。而極痒者。一似傷寒門狐惑之病。若不
急治。上下唇俱為虫食腐爛。不可生者。人亦不知。是虫
之為病也。以化虫丸主之。雄黃散擦之。可愈。昏悶失聲
者不治。

痘疹用藥法

古人立方。各有所見。但用之。不當其時。或執一。而不通。
以致偏寒偏熱。誤兒多矣。若能分虛實。而辨補瀉。則治
痘無餘法焉。諸方之用。不過發散。升提。和解。下利。補益。
閉澀。數者而已。然病症又有微甚。方藥亦有輕重大抵。